

長安縣志

長安縣志
卷之五
藝文志
五

長安縣志卷十六

祠祀志

隋書經籍志地理家有廟記一卷其書久佚三輔黃圖多引之蓋記西京宮殿不專志祠廟也

國家懷柔百神州縣長吏以春秋恪共祀事長安與咸寧並治郭下壇廟皆統於府不宜分志其縣所專置及古壇廟之在長安境者則仍分錄焉

社稷壇在城東康熙四年知府葉承祧建

風雲雷雨山川壇在城西北知府葉承祧建嘉慶十七年奉文改稱神祇壇

先農壇在東郊籍田四畝九分籍田後建壇高二尺一寸

寬二丈五尺壇後正房三間配房各一間籍田之外週圍
繚垣門南向

文廟在縣東南始建於宋元至元中廉希憲修明正統間
知府孫仁益增拓之正殿七間兩廡各十七間廡南爲廚
舍東西各二間前爲儀門稍南爲碑亭二兩司府縣官廳
東西相向又南爲宰牲所前爲櫺星門門前爲泮池跨以
石橋廟左爲啟聖祠

關帝廟在滿城舞生壇又在城內西五臺及鐵爐水池土
車等坊西門甕城金光蒲陽晁莊郭杜等里鎮又兩凹里

有嘉靖三年關帝廟鐘記

西五臺諸廟非官建從例
附書龍王諸廟俱倣此

龍王廟在縣治東南雍正五年建乾隆二十七年修五十

八年布政司和寧重修有記又南城外龍王廟創自明景泰元年有記

皇朝雍正元年重修

太白廟在縣西郭外明崇禎間旱禱屢應巡撫汪橋年重修

皇朝總督白如梅繼修有記乾隆四十二年巡撫畢沅重修

勅封昭靈普潤四字

御書金精靈澤匾額太白崇祠垂顯佑西安闔省被仁恩
聯四十三年旱禱得雨

御製詩志謝麥前暘雨各稱時麥後甘餘日待滋爲禱靈

山立垂佑遂施甘露果昭奇
畢沅奏五月望前各屬得雨
早穀已乘時播種大田亦正
待翻犁而晴霽二十餘日地
脈暎燥待澤頗殷因率屬虔
籲於太白山神祠並遣員詣
靈湫取水甫到山而雷雨立
沛經時始霽初四日所取之
水至省卽於是夜大獲甘霖
連三晝夜入土深透各屬亦
同日普霑已種之禾倍覺發
榮滋長未種者亦可扶犁布
種云云樹碑鑄鐵傳福地取
仰荷神庥感而增敬因賦詩
以誌謝

水凝湫自皓池粒我蒸民布天澤蠲誠致謝此摘詞刻石

本廟中五十七年巡撫秦承恩奏入祀典

終南山神廟在南門外嘉慶八年建

勅封寧民顯佑終南山神

文昌祠舊在府治中街

火神廟在城西五里原建置年月無攷乾隆五十一年知

府徐大文署長安縣知縣王榮榮重修

八蜡廟在縣治東南

旗纛廟在都司舊署旁一在西關大教場

城隍廟在縣治西前明建累修於宏治嘉靖萬歷中有碑記

皇朝康熙三年知府葉承祧重修雍正初燬於火總督年羹堯移秦府木植改建乾隆三十三年重修建樂舞樓又子午鎮舊有城隍廟嘉靖十八年重修三原馬理撰碑記縣城隍廟在西關外嘉慶八年知縣費濬建

按境內各鄉鎮多有城隍

廟不具書

厲壇在城北五里

名宦祠在學宮左祀八十五人有漢馮翊守薛宣曾爲長

安令及前明長安知縣冀鍊吳從義

鄉賢祠在學宮右祀六十三人有韓休韓福馮友王鶴張鳳翼馮從吾係長安人

忠義祠在學宮內雍正元年建

節孝祠在學宮外雍正元年建

賢良祠在九府街雍正十年建署巡撫史貽直撰記

昭忠祠在西關嘉慶八年建祀剿除教匪殉難官員兵勇

內滿官二百員滿兵七百九十四名漢官文十五員武三

十一員其武員籍隸長安者二十三員漢兵一千八百九

十三名其籍隸長安者八百五十三名鄉勇五十四名俱

長安人

按以上祭祀統於西安府今惟記其建置祠祀典禮並
詳府志

禹王廟舊志在縣治西四十里爲豐水而建

五嶽廟在縣治東南禱雨輒應明正統九年都御史陳鑑
增修有碑記

皇朝康熙初尚書白如梅重修有記四年巡撫賈漢復祈
雨有應遂重新之乾隆三十年巡撫湯聘飭屬捐修廟不
知建置所昉舊碣有譚馬邱劉字皆元時道家也

雷神廟在城北明萬歷四十五年重修咸寧趙民俊有記
東嶽廟在縣治西南

西嶽廟在縣西明成化十七年住持蘇元靖重修

二郎廟在西關廂明宏治二年建廟後有泉旱禱輒應嘉靖庚申鄉民徐溢等二十餘人以禱雨復新祠宇有碑記府君廟在城西四十里舊志云祀唐相崔珏民懷其德爲之建祠太宗夢與神遇遂封號曰府君之神宋大中祥符三年祈嗣有應加封地曹判官遣使致祭元延祐二年封爲護國西齊王明宏治五年監察御史蘇州知府孟俊有靈應碑記其一在城西二十里崔家莊有萬歷十七年鐵爐記

顯仁廟舊志在城南二十五里

正學祠舊在正學書院祀明道程子伊川程子橫渠張子
四朱光庭只大忠等三十二人配明宏治間副使楊一清

萬曆初毀後學使許孚遠重修有詩明末毀於兵火

皇朝順治九年學使田厥茂改建於府學尊經閣下康熙
二年知府葉承祧移祀關中書院

道統祠在貢院西隅知府葉承祧移祀關中書院祀伏羲
神農黃帝堯舜禹湯文武歷代聖人以帝臣王佐配

歷代名臣祠舊在正學書院學使田厥茂改建於學宮知
府葉承祧移於關中書院祀漢槐里令朱雲以下五十八
人有唐黃門侍郎韓休明兵部侍郎鄒應龍係長安人及
明長安知縣吳從義

七賢祠在文廟戟門左祀宋張子呂大忠大防大鈞大臨
范育蘇昞皆有繪像

恭定祠在西門外祀明工部尚書馮從吾以門人黨廷醇等配南京光祿卿三水文鳳翔有記

白公生祠舊志在縣治南五嶽廟西康熙七年爲總督白如梅建今廢

賈公生祠舊志在縣治北放生池康熙七年爲巡撫賈漢復建今廢

按長安有東嶽廟在縣治西南南嶽廟在三橋鎮藥皇廟一在旧村一在後衛寨海神廟在大原村祖師廟一在嚴家渠一在張旺渠顯仁廟在縣治西南又有無量二聖玉皇高官普濟天仙等廟以非祀典不具書

周

郊 漢書郊祀志周文武郊於豐鎬

按長安爲累代上京郊社宗廟皆在焉今惟有地及方位可攷及宋志所錄者志之

文王廟書召誥正義豐有文王廟

秦

昭明天子辟池祠漢書郊祀志豐鎬有昭明天子辟池祠五杜主祠壽星祠郊祀志杜亳有五杜主之祠壽星祠杜主故周之右將軍

漢

圓丘漢書本紀成帝建始元年十二月作長安南北郊罷

甘泉汾陰祠永始三年冬十二月皇太后詔復甘泉泰畤
綏和二年皇太后詔有司復長安南北郊哀帝建平三年
罷南北郊郊祀志元始五年復長安南北郊黃圖天郊在
長安城南地郊在長安城北漢圓丘在昆明渠南有漢故
圓丘今按高二丈周回百二十步西京新記朱雀街西第
五街居德坊有漢圓丘遺址續漢志注引黃圖元始儀上
帝壇圓八觚徑五丈高九尺茅營去壇十步竹宮徑三百
步土營徑五百步神靈壇各於其方面三丈去茅營二十
步廣坐十五步合祀神靈以璧琮用辟神道四通廣各三
十步竹宮內道廣三丈有闕各九十一步壇方三丈拜位
壇亦如之爲周道郊營之外廣九步營六甘泉北辰於南

門之外日月海東門之外河北門

岱宗西門之外爲

周道前望之外廣九步列望道乃近前望道外徑六十二步壇方二丈五尺高三尺五寸爲周道列望之外徑九步卿望亞列望外徑四十步壇廣三丈高二尺爲周道卿望之外徑九步大夫望亞卿望道外徑二十步壇廣一丈五尺高一尺五寸爲周道大夫望之外徑九步士望亞大夫望道外徑十五步壇廣一丈高一尺爲周道士望之外徑九步席望亞士望道外徑九步壇廣五尺高五寸爲周道席望之外徑九步凡大宗上帝宮壇營徑三里周九里營三重通八方

泰一壇郊祀志武帝時從亳人繆忌奏立泰一壇於長安

城東南郊

五帝六宗兆郊祀志平帝時王莽奏五帝兆在雍時不合於古又日月雷風川澤易卦六子之尊氣所謂六宗也星辰水火溝瀆皆六宗之屬也今或未特祀或無兆居謹與太師光等議羣神以類相從爲五部兆天墜之別神中央帝黃靈后土時及日廟北辰北斗填星中宿中宮於長安城之未墜兆東方帝太皞青靈勾芒時及雷公風伯廟歲星東宿東宮於東郊兆南方炎帝赤霧祝融時及熒惑星南宿南宮於南郊兆西方帝少皞白靈蓐收時及太白星西宿西宮於西郊兆北方顓頊黑靈元冥時及月廟雨師廟辰星北宿北宮於北郊奏可於是長安旁諸廟兆時

盛矣

靈星祠郊祀志高祖八年立通典引三輔故事長安城東
十里有靈星祠

歲星辰星太白熒惑南斗祠郊祀志在長安城旁

蚩尤祠郊祀志高帝六年令立蚩尤之祠於長安

天地祠天社祠天水祠房中祠堂上祠並梁巫祠五帝祠
東君祠雲中君祠巫社祠巫祠祠族人炊祠並晉巫祠杜
主祠巫保祠族纍祠並秦巫祠堂下祠巫先祠司命祠施
糜祠並荆巫祠九天祠九天巫祠郊祀志高帝六年令長
安置祠祀官女巫皆以歲時祠宮中

四寶祠郊祀志宣帝以方士言隨侯劍寶玉寶璧周康寶

鼎立四祠於未央宮中

太上皇廟黃圖在城中香室街南馮翊府北關輔記在酒池北

高帝廟黃圖高廟在長安城中安門裏大道中又在桂宮北史記正義引括地志高廟在長安縣西北十三里渭南文獻通考引漢舊儀高廟蓋地六頃三十畝四步堂上東西五十步南北三十步黃圖引故事光武至長安以宮闕宗廟燒蕩爲墟乃徙都雒陽取十廟合於高廟作十二室太掌卿一人別治長安主知高廟事

高寢史記云黃圖高寢在高廟西

孝惠廟黃圖惠帝廟在高帝廟後

長安志引關中記作高帝廟西